

張
光
弼
詩
集

醫史圖書集成

張光弼詩

集

四部叢刊續編集部

上海涵芬樓
景印常熟瞿
氏鐵琴銅劍
樓藏明鈔本

張光弼詩序



廬陵張光弼先生少事虞文靖公集得詩法文靖才高識廣其詩浩博而不肆變化而不窮而一宿於正先生之詩氣宇閑壯節制老成而從容雅則稱其傳焉張潞公蒿叢先知之而一時學者皆傾慕之其平生之作散亡多矣予近從給事中夏時得其五七言古近體一帙以授其外孫浮梁縣丞時昌俾刻之鄒孟氏有言誦其詩讀其書不知其人可乎先生名是仕元至江浙行省負外郎嘗贊忠謨於戎幕元末政壞遂棄官不仕張士誠據有浙西禮致之不屈而興周伯溫楊廉夫交游相得號一畎居士我

太

祖皇帝混一天下訪求前元故臣之賢者嘗被徵至京溪見溫接已而憫其老曰可聞矣厚賜遣歸遂採

長光弼詩序

天語更號可閒老人倘佯浙西湖山之間詩酒自適春秋七十有
三而終噫觀其詩而考其出處可以知其為人焉
正統元年夏四月既望榮祿大夫少傅兵部尚書兼
華蓋殿大學士同郡楊士奇序

張光弼詩集序

庚子之冬予始識張光弼于杭光弼廬陵人也蚤游湘海間以詩名嘗負劍挾策從軍入幕府佐主帥經畫籌畧以功累遷至杭省左右司員外郎行樞密院判官杭為山水勝地而光弼能詩善歌詠是時天下方用兵藩府所在不一而光弼獨能周旋其間以詩酒自娛不侵官不怙勢以取撓敗故一時公卿大夫士咸稱之求詩者日走其門予時每數詣光弼光弼誦所作未嘗不為之擊節然猶未能盡閱其編其後予去杭與光弼益遠丙辰之春予復至焉光弼手其詩二編過予寓舍且言曰吾平生所作多矣今其藁皆不存獨此在中衍中與吾周旋者殆二十年幸不失墜而得古律絕句凡若干篇而凡志意之所感發欣憂哀樂於是乎在其可以自見于世者獨此而已予其為我

序之予受而讀之愛其意婉而辭麗情閑而調逸有詩人之風
不能去手者累日因切自念向之所聞於光弼者雖久而未決
廼今始得其詳焉蓋言者心之聲也時者事之會也時異則言
異於是正變焉兵革之秋殆雅亡之日也光弼以詩人之才
而遭時板蕩汨々戎馬間其應酬交接蓋無非衰世末俗之事
雖欲正言而不可得故其辭多變使光弼當盛時一鳴則鏗鎗
炳耀之辭自可匹休於前人惜其遭逢不偶而其言止於是也
雖然杭之山水猶昔而光弼年未耄猶可肆其餘力於詩矧今
聖化之隆天下頌聲方作光弼雖在田野其能自己於言者乎
尚當歌詠太平而傳之無斁也

洪武九年夏四月八日錢塘陳孝博序

刻分卷一
卷二此分
七卷誤也

張光弼詩集卷之一

古風五言

飲馬長城窟行

飲馬長城窟，飲多衆脉枯。嘶跑不肯行，思若畏前途。驅之尚不忍，惻然駐征車。朔風當面吹，墮指裂肌膚。豈念衣裳單，顧己猶亡夫。功名登天然，何時執金吾。陰陽無停機，百年詠湏臾。常恐遂物化，奄忽委路隅。此懷當告誰，策馬自長吁。

古意

白露積瑤階，明月生羅幃。流光劇奔電，霸國空閨闈。黃金奉桑間母，乃禮義虧安得。庶耻士再詠關雎詩。

雜詩

高樓抗浮雲，南盡洞庭野。涼風颭然至，槁葉淒以下。登臨極四

顧莫我所思者憂來欲奮飛羽翼不余假昭質匪金石疏華鬋
奔馬日暮湘水陰幽蘭謾盈把

日月交互行四時亦云易去時柳未黃又見楓葉赤人生乾園
內生死難固必別離將訴誰訴之又何益昨宵夢相見嬾脫如
平昔覺來但虛慢衾枕有餘憶

行路難

鴻鴈及秋來玄鳥先社去俱生亭毒內羽翼乃不遇翔者不知
水泳者不知山世事每如此人生行路難

少年行

看取木樨花朝榮夕已萎芳容有凋謝昨澤何所施壽命如可
長仙人今何之高堂有歌舞及此少年時

刻年少

古別離

陽關古別離對面折楊柳旋踵委道傍焉得長在手丈夫四方志竭力車馬走慷慨平生懷不在然諾後傾貲鑄寶劍性命同所有去之勿復陳黃金印如斗

古瑟

錦瑟古之樂造自軒轅間朱絲五十絃柱列鸛鷺班中有洞庭水白日興波瀾人文際昌期出應清廟彈洋洋雅頌音一唱而三嘆神人既以和鳳為翔其翰聖明御天下百靈咸仰攀

讀離騷經

三閭楚同姓怨生於所愛謠人在君側繩墨日猶背虞茲宗社隕繁辭異收採反覆三致忠九死猶未悔靈修終不察遂投汨羅水斯文幸未喪風雅接三代豈惟南國士汲汲仰露漑

讀秦記

登高望遠海中有三神山秦皇惑方士採藥駐容顏如求不死
藥何必波濤間玄牡氣孔神日夜相循環若人善保之入聖而
超凡所以廣成子度世安泥丸

言志

少小誦六經中歲始聞道乃知三百篇不貴辭炳好發言將自
宣猶若未深造常恐歲年晚白露先芳草軍思時竄芳舉筆如
振槁庶或諧雅音詠歌以終老

相逢行

京師衆大區鞍馬俱俊游相逢念輕薄解贈雙吳鉤性命付然
諾妻子托綢繆朝過狹斜道暮宿娼家樓五侯與之談七貴為
之謀心誓誓百年羽翼期九州當其勢合時喝倒黃河流一朝
費用盡門戶無鳴驕御關耻獨歸京邑難久留慨念平生懷排

徊顧河丘浮雲詎終朝失意將焉尤

右詩

壯哉沛中歌命世之雄者帝王有大度不在論風雅
修採詩固無暇蘓李離別辭亦自關教化文章與政通
斯豈雜王霸

漢詩十九首不復辨名氏蘇李及枚乘伯仲之間耳
當時尚詞賦六義誰作意雖非大雅言頗有風入致
篇章何在多自足傳於世所嗟黃初後作者莫與企

曹公英雄姿吐辭自天成橫梁鞍馬間慷慨念平生
汝穎諸文學歟社奉明廷對酒惜時邁載歌伸鹿鳴
風雲入壯懷河山助威靈至今鄴中唱猶擅文章名
銅雀有遺憾哀哉短歌行

鄴中盛文辭七子相倚角雖膺丞相辟未免傷流落
世胄相友

善宴好以酬酢出內結腹心庶僚仰殊渥顧因雲雨會飛翼永
栖托貴賤俱黃土徒存建安作

魏文在世子嗣領五官將國事既有閑經術尤所尚讎游集文
學詞藻咸宗仰五星垂光彩兩曜分氣象風流積二世况復人
君量快樂芙蓉池乘輦一何壯寧同汝穎士戚戚冀所望

東阿帝室親復乃貴介弟降志詞翰問國事罔所冀恩深而文
興光彩照當世切切陳自効捐軀以明志滛情洛神賦所願以
自棄

稱衡輕狡人况以才自負將赴漁陽樞侮人還自侮曹公豈容
物嫁惡與黃祖值茲勸勦際焉用鸛鵲賦所以賢達士貴在識
時務

三謝國親臣世家金閨彥玄談雖時尚好爵尤所羨出谷顧名

郡而不拘履踐能忘永嘉 山水事游宴摘章固自美雅誦從
此變餘波及蔣梁纖穠入哀怨

嗣宗絕威否善若處時晦詠懷數十篇倬尔逮漢魏駕車哭而
返此豈無所謂嘯登廣武臺神氣偶相會從來個儻心土宜親
富貴惟有步兵厨可用時一醉

淵明君子儒心事甚夷曠醉來得佳眠自謂羲皇上文章固可
誦鄭堅尤所仰且無州縣拘安得言不放託志聖賢錄千載成
絕響

高人王右丞朝川亦有樂位居尚書省志不異丘壑誰言肉食
鄙而不事澹泊辭壇大雅名集多應制作唐音得所宗夫子寔
先覺

工部行在官飢寒莫與比奔走盜賊中朝夕命加寄一飯不忘

君危言以鳴世親蒙萬乘知不救妻子累文章天地間風雅可
無愧賦者謾接迹此作竟誰繼

襄陽孟浩然五言擅時譽迹放羈旅間氣藉江山助感懷硯山
作託興洞庭賦九重獲見知一語乃上忤弊廬南山歸亦足蔽
風雨篇章如可傳、、遇不遇

蘇州韋刺史早事武皇帝既蒙南宮錄復膺符竹寄折節就繩
墨檢身勤治理賦詩長日靜、、閑餘香至晚逢揚開府感激道
所以宜尔金玉音風雅存遺製

鷺鷥篇

鷺鷥水中禽居常有定偶行則共洲渚栖不異淵藪交頸情所
私和鳴氣相友白頭不自嫌彩翼戢左右雄雌或失配霜霰甘
獨守嗟哉羽毛類賦性乃何厚願獻金閨女繡作君子綬人或

違天常翻為此禽醜

幽蘭篇

幽蘭不自媚
禁雜生溪澗
寂寞空林色
過者誰復玩
及時或見收
不與衆芳亂
夢協天使與
握勤郎官盼
顧茲馨香德
庶以同歲宴

閨思篇

連日洲渚上香風
吹杜若
閨人念離別
遠思生幃薄
去年執手時
記有採蘭約
如何燕鴻跡
遽尔成綿邈
將憑夢中見
反側睡難著
起視東西廂
衆星已零落
晨鷄方再鳴
曙色已東作
安得携手入歸來
共春酌

卅華篇

隋壁冒卅華
碧葉相掩映
晨露發其姿
舉世莫與並
微風波上